

Na osnovu članova 8. i 9. Odluke o organizovanju i provođenju javnih rasprava („Službeni glasnik Grada Tuzla“, broj 11/21), člana 114. Poslovnika Gradskog vijeća Tuzla („Službeni glasnik Grada Tuzla“, broj 5/22 i 14/24) i člana 116. Statuta Grada Tuzle („Službeni glasnik Grada Tuzla“, broj: 06/21 i 4/25), Gradsko vijeće Tuzla, na sjednici održanoj dana 28.10.2025. godine, d o n o s i

O D L U K U

o načinu provođenja javne rasprave

Član 1.

Ovom Odlukom se u skladu sa odredbama Statuta Grada Tuzle, određuje način provođenja javne rasprave za sljedeće dokumente:

- Nacrt Budžeta Grada Tuzle za period od 01.01. do 31.12.2026. godine i
- Nacrt Odluke o izvršavanju Budžeta Grada Tuzle za period 01.01. do 31.12.2026. godine.

Član 2.

Rok za provođenje Javne rasprave o dokumentima iz člana 1. ove Odluke je 20 dana od dana usvajanja.

Član 3.

Javni poziv za provođenje javne rasprave o Nacrtu Budžeta i Nacrtu Odluke o izvršavanju Budžeta Grada Tuzle za 2026. godinu, upućuje Gradonačelnik Grada Tuzle i isti će se objaviti na web stranici Grada Tuzle, u sredstvima javnog informisanja ili drugi prigodan način.

Član 4.

Zadužuje se Služba za komunalne poslove, izgradnju i poslove MZ da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzle za 2026. godinu sa korisnicima Budžeta Grada Tuzle koji su planirani Nacrtom Budžeta u okviru sredstava ove Službe.

Član 5.

Zadužuje se Služba za ekonomski razvoj, poduzetništvo i poljoprivredu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzle za 2026. godinu u dijelu sredstava koja se odnose na korisnike iz oblasti razvoja, poduzetništva i poljoprivrede, te da u istu uključi javna preduzeća i javne ustanove, čiji je osnivač Grad Tuzla, a korisnici su Budžeta Grada Tuzla.

Član 6.

Zadužuje se Služba za kulturu, sport, mlade i socijalnu zaštitu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzle za 2026. godinu u dijelu sredstava koja se odnose na korisnike iz oblasti kulture, sporta, mladih, socijalne zaštite i druga udruženja građana, a korisnici su Budžeta Grada Tuzla.

Član 7.

Zadužuje se Služba za boračko-invalidsku zaštitu, stambene poslove i integraciju raseljenih lica da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta

Grada Tuzle za 2026. godinu u dijelu sredstava koja se odnose na korisnike iz oblasti boračko-invalidske zaštite.

Član 8.

Obavezuju se službe iz članova 4., 5., 6. i 7. ove Odluke da najkasnije do 24.11.2025. godine obrade i sistematizuju primjedbe, prijedloge i sugestije sa provedene javne rasprave, te da Službi za budžet i finansije dostave Izvještaje u pisanoj i elektronskoj formi.

Službe iz stava 1. ovog člana obavezne su Službi za budžet i finansije dostaviti i svoje prijedloge izmjena i dopuna sredstava raspoređenih u Nacrtu Budžeta za 2026. godinu, uzimajući u obzir Izvještaje sa provedene javne rasprave, a vodeći računa o visini raspoloživih sredstava u Budžetu.

Član 9.

Zadužuje se Služba za budžet i finansije da izvještaj o provedenoj javnoj raspravi o Nacrtu Budžeta i Nacrtu Odluke o izvršavanju Budžeta Grada Tuzle za 2026. godinu dostavi uz prijedlog navedenih akata Gradskom vijeću Tuzla i isti objavi na web stranici Grada Tuzle.

Član 10.

Odluka stupa na snagu danom donošenja, a objavit će se na web stranici Grada Tuzla: www.tuzla.ba.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:01/11-A-17292/2025
Tuzla, 28.10.2025.godine**

PREDSJEDAVAJUĆA VIJEĆA

Ana Pejić, BA prava

O b r a z l o ž e n j e

Pravni osnov

Pravni osnov za donošenje Odluke o načinu provođenja javne rasprave (u daljem tekstu: Odluka), sadržan je u sljedećim odredbama:

- odredbe članova 8. i 9. Odluke o organizovanju i provođenju javnih rasprava („Službeni glasnik Grada Tuzla“, broj 11/21) propisuju da se u postupku pripreme budžeta, javna rasprava provodi o nacrtu Budžeta Grada i nacrtu odluke o izvršenju Budžeta, te da Odluku o načinu provođenja javne rasprave o nacrtu Budžeta Grada donosi Gradsko Vijeće.
- odredba člana 114. Poslovnika Gradskog vijeća („Službeni glasnik Grada Tuzla“, broj 95/22 i 14/24), propisuje da se nacrt odluke ili drugog akta Gradskog vijeća iznosi na javnu raspravu kada je to Statutom grada ili drugim propisom određeno.
- odredba člana 116. Statuta Grada Tuzle („Službeni glasnik Grada Tuzla“, broj: 06/21 i 4/25), propisuje da se prije upućivanja prijedloga Budžeta Grada na razmatranje Gradskom vijeću, vodi javna rasprava o Budžetu Grada, te da odluku o načinu provođenja javne rasprave o navedenom dokumentu donosi Gradsko vijeće.

Razlozi za donošenje

Statutom grada je propisana obaveza provođenja javne rasprave o Budžetu Grada prije upućivanja prijedloga Budžeta Grada na razmatranje Gradskom vijeću. Zakonska obaveza donošenja Budžeta za svaku fiskalnu godinu, obavezuje istovremeno i donošenje i akta kojim se propisuju pravila i način izvršavanja Budžeta, s toga se zajedno sprovode javna rasprava o nacrtu Budžeta i nacrtu Odluke o izvršavanju Budžeta Grada Tuzle. Odlukom o organizovanju i provođenju javnih rasprava je propisano da se u postupku pripreme budžeta, javna rasprava provodi o nacrtu Budžeta Grada i nacrtu odluke o izvršenju Budžeta i da Odluku o načinu provođenja javne rasprave o nacrtu Budžeta Grada donosi Gradsko Vijeće, te da ista mora obavezno sadržavati: naziv dokumenta koji je predmet javne rasprave, rok za provođenje javne rasprave, gradske službe koje se zadužuju za provođenje javne rasprave, informacije o načinu dostavljanja prijedloga, sugestija, inicijativa i komentara, kao i druge podatke značajne za provođenje javne rasprave.

Obrazloženje pojedinih odredbi

Ovom Odlukom se uređuje način provođenja javne rasprave o nacrtu Budžeta Grada Tuzle za period od 01.01. do 31.12.2026. godine i nacrtu Odluke o izvršavanju Budžeta Grada Tuzle za period 01.01. do 31.12.2026. godine, istom se određuje rok za provođenje javne rasprave, gradske službe koje se zadužuju za provođenje javne rasprave, informacije o načinu dostavljanja prijedloga, sugestija, inicijativa, komentara, dostavljanje izvještaja o provedenoj javnoj raspravi i drugi podaci značajni za provođenje javne rasprave.

OBRADIVAČ:
Služba za budžet i finansije